

四庫全書

子部

欽定四庫全書

子部
證治準繩卷七十四

詳校官太醫院院使臣張肇基

編修臣倉聖脈覆勘

總校官進士臣朱鈐

校對官中書臣宋枋遠

謄錄監生臣王秉鈞

欽定四庫全書

證治準繩卷七十四

明 王肯堂 撰

幼科

肝臟門

慢驚

慢驚之候或吐或瀉涎鳴微喘眼開神緩睡則露睛驚跳搐搦乍發乍靜或身熱或身冷或四肢熱或口鼻

冷氣面色淡白淡青眉唇間或青黯其脉沈遲散緩益
由急驚過用寒涼或轉太驟傳變成之又有吐利不止
而成者有氣虛暴吐瀉而成者有夏月脾胃伏熱大吐
瀉當解暑熱不可專曰固陽有藏虛洞洩成者有久痢
氣脫而成者有下積取瀉成者有吐血瀉血而成者有
傷寒傳變陰證成者有得之久嗽作癰者有得之發癰
不已者有得之蟲積衝心者有得之卵腫疝氣腹痛其
或汗出太過脾困煩渴四肢浮腫大小便閉走馬急疳

並傳慢候惟吐瀉積痢成虛致之則證變甚速凡纔經吐瀉便是慢驚須用溫中扶裏或搐來緊急乃慢驚初傳尚有陽證不可誤作急驚用藥世言搐慢為慢驚非也若泥此徃徃指慢脾為慢驚矣凡慢驚男子以瀉得之為重女子以吐得之為重又吐有五證瀉有五證各明所因主治古云病家怕驚不怕瀉醫家怕瀉不怕驚如因洩瀉不止且先治瀉若更治風則驚風愈甚如因他證例當循原施治也其慢驚候若從急驚傳來祇可

截風調胃均平陰陽不可全用陽藥使陽歸陽復作急
驚之候用藥施治無過不及可也 急驚以關格不通
略施腦麝開通定其搐搦尚可慢驚陰重陽虧諸經已
虛不宜通關又涼其藏易作慢脾風慢驚危急如眼睛
昏定定而眨雖眨不左右顧或竄視四肢厥冷汗出如
流口面慘黯指甲黑四體垂躄至重慢驚證眼半開半
合似睡不睡是也其脉或浮或沈身或熱或涼或吐或
瀉或不吐瀉或食乳或阻乳名半陰半陽合病即如傷

寒半表半裏也 治法大要審問源流施治不可概曰

慢驚證如因吐瀉得之用湯氏醒脾散之類他證可以
類推次第於後然慢驚已傳屬陰亦須準較陰陽虧盛
淺深不可溫燥之劑太過 錢慢驚因大病後或吐瀉

或只吐不瀉變成脾胃虛損偏身冷口鼻氣出亦冷手
足時瘕瘕昏睡露睛此無陽也宜括萋湯主之 東都
王氏子吐瀉諸醫用藥下之至虛變慢驚其候昏睡露
睛手足瘕瘕而身冷錢曰此慢驚也與括萋湯其子胃

氣實即開目而身溫王疑其子亦大小便令諸醫以藥利之醫留八正散等數服不利而身復冷令錢氏利小便錢曰不當利小便利之必身冷一二日果身冷矣因抱出錢曰不能食而胃中虛若利大小便則脾胃俱虛當身冷而閉目即死今幸胎氣實而難衰也錢氏用益黃散史君子丸四服令微能飲食至日午果能飲食所以然者謂利大小便脾胃虛寒當補脾不可別攻也後又不語諸醫作失音治之錢曰既失音何開目而能飲

食又牙不緊而口不噤也諸醫不能曉以地黃補腎錢
曰此因用涼藥利小便致脾腎俱虛今脾已實腎尚虛
故補腎必安治之半月而能言一月而痊 潔慢驚者
陰證俱臟受病蓋小兒吐瀉病久脾胃虛損若不早治
則成慢驚名曰瘕瘕似搐而不甚搐也因脾胃虛損故
大便不聚當去脾間風先用宣風散導之後用益黃散
史君子九平之則其利自止既已失治則脾胃俱虛致
被肝木所乘是為慢驚當用溫補羌活膏主之 垣間

孝忠編集錢氏方以益黃補土悞矣其藥有丁香辛熱助火火旺土愈虛矣青橘皮瀉肺金丁香辛熱大瀉肺與大腸脾實當瀉子今脾胃虛反更瀉子而助火重虛其土殺人無疑矣其風木旺證右關脉洪大掌中熱腹皮熱豈可以助火瀉金如寒水來乘脾土其病嘔吐腹痛瀉痢青白益黃散聖藥也今立一方先瀉火補金大補其土是為神治之法以黃耆二錢人參一錢炙甘草五分加白芍藥一錢此四味皆甘溫能補元氣甘能瀉

火內經云熱淫於內以甘瀉之以酸收之白芍藥酸寒
寒能瀉火酸味能瀉肝而大補肺金所補得金土之位
金旺火虛風木何由而來尅土然後瀉風之邪夫益黃
散理中丸養神之類皆治脾胃寒濕大盛神品之藥也
若得脾胃中伏火勞役不足之證及服熱藥巴豆之類
胃虛而成慢驚之證用之必傷人命夫慢驚風者皆由
久瀉脾胃虛而生也錢氏以羌活膏療慢驚風悞矣脾
虛者由火邪乘其土位故曰從後來者為虛邪火旺能

實其木木旺故來尅土當於心經中以甘溫補土之源
更於脾土中瀉火以甘寒更於脾土中補金以酸涼致
脾土中金旺火衰風木自虛矣 海驚啼手足瘳癰睡
卧不穩四君子加全蝎去尾尖毒炒鈎藤白附子炒等
分同煎 脾胃虛弱生風多困四君子加炒半夏麴沒
石子等分為細末入冬瓜子少許同煎服 丹頻吐瀉
將成慢驚用錢氏白朮散加山藥扁豆炒肉豆蔻麴煨
各一錢入薑一片煎服若慢驚已作加細辛天麻各一

錢全蝎三箇去稍白附子八分麩煨驚而瀉用參苓芍藥酒炒白朮薑煎夏月加黃連甘草竹葉服之 曾治慢驚者考之古書亦無所據惟載陰癰而已蓋慢驚屬陰陰主靜而搐緩故曰慢其候皆因外感風寒內作吐瀉或得於大病之餘或傳誤轉之後目慢神昏手足偏動口角流涎身微溫眼上視或斜轉及兩手握拳而搐或兼兩足動掣各辨男左女右搐者為順反此為逆口氣冷緩或頤門陷此虛極也脉沈無力睡則揚睛謂兩

目半開半合此真陽衰耗而陰邪獨盛陰盛生寒寒為水化水生肝木木為風化木尅脾土胃為脾之府故胃中有風痙瘓漸生其痙瘓證狀兩肩微聳兩手垂下時復動搖不已名為慢驚宜以青州白丸子蘇合香丸入薑汁杵勻米飲調下虛極者加金液丹次用冲和飲同七寶散水煨薑煎服使氣順風散少解吐瀉間以胃苓湯救其表裏若吐不止可投定吐飲瀉不減宜服六桂散或曰生湯去胃風定痙瘓清神氣五苓散導其逆調

榮衛和陰陽若痰多唇白四肢如水不省人事此虛慢
之極用固真湯速灌之以生胃氣胃氣既回投醒脾散
沈香飲調理 薛慢驚之證吐瀉痰鳴氣喘眼開神緩
昏睡露睛驚跳搐搦乍發乍靜或身熱身冷面淡青白
或眉唇青赤其脈遲沈而緩是也稟賦不足或久病脾
虛及常服尅伐之藥者多致此證若因土虛不能生金
金不能平木木來侮土而致前證者以五味異功散加
當歸酸棗仁佐以鉤藤飲子補土平木若脾土虛寒者

用六君子加炮薑木香不應急加附子以回陽氣蓋陰血生於脾土宜四君子當歸酸棗仁凡元氣虧損而至昏憤者急灸百會穴若待下痰不愈而後灸之則元氣脫散而不救矣 慢脾風慢脾風之候面青額汗舌短頭低眼合不開睡中搖頭吐舌頻嘔腥臭噤口咬牙手足微搐而不收或身冷身溫而四肢冷其脈沈微陰氣極盛胃氣極虛十救一二蓋由慢驚之後吐瀉損脾病傳已極總歸虛處惟脾所受故曰脾風若逐風則無風

可逐若治驚則無驚可治但脾間痰涎虛熱往來其眼
合者脾困氣乏神志沈迷痰涎凝滯而已然慢脾之名
又曰虛風小兒或吐或瀉之後面色虛黃因虛發熱纔
見搖頭斜視昏困額汗身亦粘汗聲沈小而焦即脾風
之證不必皆因急慢風傳次而至又當識之又慢脾之
候言脾而不言胃何也蓋胃為腑屬陽非若脾乃陰臟
也故小兒病傳在腑多自愈在臟不可不治蓋小兒純
陽之氣在腑為順在臟為逆古人皆理其臟未言治腑

也又腎一臟常主虛不可攻治若腎臟有患但清心肺緣心與腎即既濟也肺與腎又子母也無與腎藥及諸補藥也慢脾惟吐與瀉積與痢傳入慢候其證變至速虛又速也治必循次平和無令速愈之理藥和且平調脾養胃不可過劑也錢氏有黃土湯以土勝水水得其平則風自止以脾土為本也 治法大要生胃回陽若眼半開半合手足不冷證候尚在慢驚則勿用回陽或已入慢脾而陽氣未甚脫者亦未可即用硫黃附子等

劑手足漸煖仍以醒脾散等調之 曾氏用青金丹天

麻飲灌服或六柱散固真湯

錢氏方

瓜蒌湯

瓜蒌 二錢 白甘遂 末一錢

右同於慢火上炒焦黃研勻每服一字麝香薄荷湯

調服 右瓜蒌湯錢氏治慢驚法脈有力者宜用蓋

濕痰積於膈中使風火不得開發而身冷故用瓜蒌

湯劫去濕痰使風火得伸而身溫搐止若脈無力者
不宜用之便當補脾及溫白丸羌活膏之類

青州白丸子 治小兒驚風大人諸風

半夏

生七兩

南星

生三兩

白附子

生二兩

川烏

生半兩
去皮臍

右為末以生絹袋盛井花水擺出如未出者更以手
揉出如有滓更研再入絹袋擺盡為度於磁盆中日
曬夜露至曉撇去舊水別用井花水攪又曬至來日
早再換新水攪如此法春五日夏三日秋七日冬十

日去水曬乾後如玉片研細以糯米粉煎粥清丸菴
豆大每服三五丸薄荷湯下癰風酒下並無時

異功散

溫中和氣治吐瀉不思食

方見吐瀉

溫白丸

治小兒脾氣虛困泄瀉瘦弱冷疳洞利及因

吐瀉或久病成慢驚癰瘕

天麻

生半兩

白殭蠶

炒

白附子

生

天南星

剉湯洗焙乾各一兩

乾蝎

去毒一錢

右為末湯浸寒食麪為丸如菴豆大仍於寒食麪中

養七日取出用每服五七丸至二三十九丸空心生薑
米飲下量病勢漸加丸數服之

寒食麩謂寒食日煮
喫麩取之以焙乾貯

也用也

釣藤飲子 治吐利脾胃氣弱虛風慢驚

釣藤

七錢半

蟬殼

防風

去蘆

人參

去蘆

麻黃

去節

白殭蠶

炒黃

天麻

蝎尾

炒去毒各半兩

甘草

炙

川芎

各二錢五分

麝香

一錢另研

一方有蛻螂三箇去頭足炙黃

右為末每服二錢水一盞薑三片煎六分溫服量多

少與之寒多者加附子半錢服無時

羌活膏 治脾胃虛或吐瀉後為慢驚者亦治傷寒無

不效

防風

去蘆

川芎

人參

去蘆

白附子

炮

赤茯苓

去皮各半兩

天麻

一兩

白僵蠶

湯浸炒黃

乾蝎

炒去毒

白花蛇

酒浸焙各一分

川

附子

炮去皮臍

麻黃

去節各三錢

肉豆蔻

沈香

母丁香

藿香葉

木香

各二錢

輕粉

真珠末

牛黃

各一

錢五分

龍腦

半字

麝香

辰砂

雄黃

各一錢已上七味各另研

羌

活

兩半

右為細末煉蜜作劑旋丸如豆大每服一二丸食前服或薄荷湯或麥門冬湯化下實熱急驚勿服性溫故也

海藏返魂丹 治小兒諸癲癇潮發瘰癧口眼相引項

背強直牙關緊急目直上視及諸病久虛變生虛風多睡者因荏苒不解速宜服之

烏犀

剉屑
二兩

水銀

天麻

酒洗
焙乾

檳榔

各半
兩

殭蠶

去絲
嘴微

炒硫黃

半兩研末入水銀置磁石盞內慢炒成沙火要看緊慢

白附子炮川

烏

炒通赤留煙少許入碗內以一盞子蓋上新土圍之待冷取出

獨活去蘆乾蝎炙

萆薢

炒各一兩肉桂去粗皮

當歸

酒浸焙乾炒

細辛根

防風去蘆

天南星

薑汁煮軟炒黃

阿膠

杵碎炒

藿香

洗去土

烏蛇

酒浸一宿炙熟

去皮骨

沈香

槐膠

羌活

白花蛇

酒浸一宿炙熟去皮骨

麻黃

去根節

半夏

薑汁浸三宿炒

羶羊角

鎔

陳皮

去白炒已上各一兩

天竺黃

研

木香

人參

去蘆

乾薑

炮

茯苓

去皮蔓荊子

去白皮

晚蠶沙

微炒

敗龜板

醋酒炙黃

藁本

去土

桑螵蛸

炒白

芷 何首烏

米泔浸
宿煮焙

虎骨

酒醋塗
炙黃

砂仁

白朮

酒浸

一宿切焙 枳殼

炒去白

丁香

厚朴

去皮薑汁塗
炙各三分

蟬殼

炒

川芎

附子

水浸炮
去皮尖

石斛

去根

肉豆蔻

去殼
微炒

龍腦

另研

雄黃

研水飛

硃砂

研水飛
各一兩

贓粉

另研

麝香

另研
一錢

烏雞

一隻去
嘴翅足 狐肝

三貝二味臘月內入瓦瓶固
濟火煨赤候冷取出研用

金箔

三十

片為
衣

右藥五十八味炮製如法煉蜜合和搗三五千下丸
如桐子大金箔為衣每一歲兒溫薄荷自然汁化下

無時 右閻氏宗錢氏治慢驚法脈無力者宜之其
法以青州白丸子無異功散羌活膏溫白丸鉤藤飲
子之類服之至有徃徃死中得生者

湯氏法

凡吐瀉成虛風慢脾先用奪命散青州白丸子末煎如
稀糊入蜜調控下涎後服祛風醒脾等藥

奪命散

方見後通治
急慢驚下

治虛風八仙散風盛者服之

白天麻 白附子 花蛇肉 防風 南星 半

夏 冬瓜子 全蝎

各等分

加川烏

右咬咀每服一錢水半盞薑二片棗半枚煎二分熱服加薄荷尤佳

醒脾散 昏困者服之

白朮 人參 甘草 橘紅 茯苓 全蝎

各半兩

半夏 木香

各一分

白附子

炮四分

南星

炮兩枚

陳倉米

二百粒一方無白朮半夏加蓮肉一錢亦可

右為末每服一錢水半盞薑二片棗半箇煎二分漸服之不可頓服頓服必吐

釀乳方

人參 木香 藿香 沈香 橘皮 神麴 麥

芽 各等分 丁香 減半

右㕮咀每服四錢水一碗薑十片紫蘇十葉棗三枚煎至半碗乳母食後須去乳汁盡方取服之即仰臥霎時令藥入乳之絡次令兒吮數口不可過飽此良

法也如嘔定一日急宜截風服八仙散兩日後宜醒
脾散如前件藥俱用不效危困可憂須診太衝脈未
絕者當灸百會一穴前後髮際兩耳尖折中乃是穴
也方書所載但云頂上旋毛中殊不審有雙頂者又
有旋毛不正者庸醫之輩習循舊本悞人多矣灸後
即當控涎用青州白丸子末用煎如稀糊入煉蜜調
奪命散良久涎下細研靈砂米飲調旋抹口中漸看
退證如風盛服八仙散昏困服醒脾散常令減乳乳

母服釀乳藥如此調理無不愈者間有稟受不堅五行數短者雖神聖工巧不能奪其造化矣 若涎已離膈但在喉中如鋸藥不能入又不可控當用別法擦之兼搐鼻噴嚏得出次服奪命散庶免再作

擦痰方

川烏尖

白附尖

各七箇去皮生用

蝎梢

七枚

石綠

少許

右為末一處和勻用軟雞翎蘸藥入喉中逐漸抽出頻用帕子拭之 右湯氏治慢驚法先用奪命散白

九子控涎候涎下一回用八仙醒脾等一回令乳母用釀乳法如危極者却灸百會及捺痰法但奪命用礞石氣虛者難用必與東垣益黃散相兼服之可也

陳氏法

治慢驚風先服芎蝎散用手法斡出寒痰冷涎自不癡呆次服油珠膏後服益真湯溫壯元氣時服前朴散寬上實下

芎蝎散 治小兒腦髓受風顛顛開解皮肉筋脈急脹

腦骨縫青筋起面少血色或腹中氣響時便青白色
沫或嘔吐痰涎欲成慢驚搐足脛冷者

川芎

葦撥

各一兩

細辛

半夏

酒浸一宿湯洗焙各二錢

蝎梢

去毒

一錢

右細末一週兒抄一銅錢用數沸湯調稍熱饑服如
痰滿胸喉中眼珠斜視速與服若目上直視不轉睛
者難救或痰氣壅塞不能咽藥用一指於兒喉壓腭
中探入就幹去痰涎氣稍得通次用補脾益真湯或

以油珠膏選用此方累世活人多矣

油珠膏 治氣逆嘔吐風痰作搐

石亭脂

硫黃中揀取加蠟者

滑石

各半兩

黑附子

炮去皮臍

半夏

酒浸

一宿湯洗七次焙乾

南星

醋浸一宿湯洗七次焙乾各一錢

右細末每服一錢用冷清蘼汁半盞滴麻油一點如

錢抄藥在油珠上須更墜下却去蘼汁與兒服之更

用清蘼汁三五口嚥下肚饑服服訖後一時方與乳

食

補脾益真湯 治胎弱吐乳便清而成陰癰氣逆涎潮
眼珠直視四肢抽掣或因變蒸客忤及受驚誤服涼
藥所作

木香 當歸 人參 黃耆 丁香 訶子 陳

皮 厚朴薑製 甘草炙 肉苳菹麴裏煨 草蓂 茯苓

白朮 桂枝 半夏湯泡 附子各半兩 全蝎炒每服加一枚

右咬咀每服三錢水一盞半薑一片棗一枚煎六分
稍熟饑服服訖令揉心腹以助藥力候一時方與乳

食 渴者加茯苓人參甘草去附子丁香肉菴 瀉

者加丁香訶子肉 嘔吐加丁香半夏陳皮 腹痛

者加厚朴良薑 咳嗽加前胡五味子去附子官桂

草菓肉菴 足冷加附子丁香厚朴 惡風自汗加

黃耆官桂 痰喘加前胡枳實赤茯苓去附子丁香

肉菴草菓 氣逆不下加前胡枳殼檳榔去當歸附

子肉菴 腹脹加厚朴丁香前胡枳殼

前朴散 治心腹結氣或嘔噦吐瀉腹脹痛驚悸

前胡 白朮 人參 陳皮 良薑 藿香 甘

草 厚朴

各等分

右剉每服三錢水一盞煎七分稍熱空心服

小兒誤服涼藥或用帛蘸水繳口因此傷動脾胃或泄瀉或腹脹或腹中響 小兒面少血色常無喜笑不看上而視下 小兒顙顙高急頭縫青筋時便青糞 小兒肥壯糞如清涕或如凍汁 小兒時時扎眼糞便青白沫有時乾硬 已上五證忽然嘔吐者必成陰癇俗

謂慢驚是也小兒頭雖熱眼珠青白而足冷或腹脹而

足冷或瀉而足冷或嘔而足冷或渴而足冷

頭熱目赤
痰塞鼻喉

咽皆無根
之火逆也

已上五證忽然吐而作搐者名曰慢脾風速

與補脾益真湯一服三錢重加蝎一枚如因驚而搐者
前朴散一服三錢重加附子前胡各半錢同煎

右陳文忠治慢驚法其治之次第自成一家故另錄
之以備採用其醫案所言芎蝎散油珠膏累累取效

曾氏方

中和飲 治感冒風寒頭痛發熱肩背拘急惡心嘔吐

腹痛膨脹兼寒濕相搏四肢拘急冷氣侵襲腰足痛

疼

蒼朮

米泔水浸一宿去粗皮剉片炒微黃色一兩二錢

人參

去蘆 前胡 去蘆 桔

梗

炒各五錢

枳殼

去穰麩炒微黃色

麻黃

去節

陳皮

去白各三錢

川芎

白芷

半夏

湯洗七次薑汁浸曬乾炒

當歸

酒洗

薄桂

去粗皮

白

芍藥

赤茯苓

去皮各一錢半

乾薑

厚朴

去粗皮薑汁浸一宿慢火

炒乾各二錢

甘草

炙七錢半

右剉每服二錢水一盞薑二片葱一根煎七分無時
溫服傷冷惡心嘔吐煨薑同煎開胃進食加棗子煎
空心溫投寒疝痛入鹽炒茱萸懷香同煎

七寶散 治時氣傷風傷寒頭昏體熱咳嗽及脾胃肺

臟不和口中腥氣異常或牙縫微有鮮血無調理諸
病後小證得中以其品味不僭不燥為佳

紫蘇

去老梗

淨香附

各三兩

甘草

陳皮

去白

桔梗

剉炒各二

兩半

川芎

白芷

各一兩

右呖咀每服二錢水一盞薑二片煎七分無時溫服

痰嗽加製半夏口腥氣入鹽煎調理諸疾加棗子煎

六柱散 治吐痢泄瀉胃虛脾慢手足俱冷六脉沈微

人參去蘆白茯苓去皮熟附子 南木香 肉荳蔻

白朮 六味各半兩

右碎每服二錢水一盞薑二片棗一枚煎七分不拘

時溫服

曰生湯 治吐瀉痢後將傳慢驚慢脾神昏脉弱飲食

不進睡露揚睛晝輕夜重急宜投服

北南星

一兩剉碎瓦器盛東壁土同醋煮少時濾乾切片焙

人參去蘆冬瓜子

仁

打碎各五錢

右件咬咀每服二錢水一盞半薑三片慢火煎七分候溫無時少與緩服投之急必吐

固真湯 主吐瀉痢後胃虛脾慢四肢口鼻氣冷沈困不省人事

人參

去蘆附子湯製泡製

白茯苓

去皮

白朮

各二錢五分

山

藥

去黑皮

黃耆

蜜水塗炙

肉桂

去粗皮

甘草

濕紙裏煨透各二錢

右件咬咀每服二錢水一盞薑三片棗一枚煎七分

空心溫服或無時

醒脾散

主醒脾養胃止吐痢進飲食及調理病後神

昏目慢貪睡多困脈弱微有痰涎並宜投服

人參

去蘆

白茯苓

去皮

藿香葉

白朮

甘草

炙各五錢

丁香

香

四十粒不見火

天南星

八錢剉作小塊紙裏水透濕泡過用

硝砂仁

四十粒

右碎每服二錢水一大盞薑三片冬瓜子仁五十粒

搗碎慢火煎七分空心緩投服之急必吐

沈香飲 治吐痢後神昏倦急飲食減少脾胃氣虛水

穀不化或隨時直五心煩熱盜汗常出或聞食心惡

沈香 丁香 南木香 藿香葉 各二錢半 陳皮 去白

朮 半夏 湯洗七遍 薑汁製 白茯苓 去皮 肉苳菹 各五錢 粉草

炙三錢

右除沈香丁香不過火餘七味或曬或焙仍同三味
研為細末每服半錢至一錢用紫蘇木瓜煎湯空心

調服棗湯亦好

天麻飲 治諸般風搐不省人事

天麻

明亮者

川烏

炮製去皮
臍各七錢

右剉每服二錢水一盞薑三片慢火煎若稀糊無時
勤與溫服

薛氏方

求附湯 治風濕相搏身體煩疼不能轉側不嘔不渴
大便堅硬小便自利及風證頭目眩重等證

白朮

四兩

甘草

炒二兩

附子

炮去皮
臍一兩

右為末入附子每服三錢薑五片棗一枚水煎服

愚按附子溫中回陽為慢脾之聖藥也如元氣未脫用之無有不應須用每隻重一兩三四錢端立不尖底平週圍如蓮花瓣者佳否則悞用川烏也製法切去皮尖以童便浸之秋冬七日春夏五日每日一換浸畢切作四塊以濕草紙包數層微火煨半日取出切開無白星為度如急用炮至裂紋即投童便中良

久浸透切片如色白再微炙之氣脫甚者急生用亦效

太乙保生丹 治慢驚尚有陽證者

全蝎

青者十
四箇

白附子

生用

真殭蠶

牛膽南星

蟬

殼琥珀

防風

朱砂

各一錢

麝香

五分

右為末米糊丸桐子大金箔為衣每服一二丸薄荷

湯化下

聚寶丹 治慢驚

人參 茯苓 琥珀 天麻 真蠶蠶 金蠋 灸

防風 牛膽南星 白附子 生烏蛇肉 酒浸焙 朱

砂 麝香 少許

右為末煉蜜丸桐子大每服二丸菖蒲湯下

金箔鎮心丸 治風壅痰熱心神不寧驚悸煩渴唇焦

頰赤夜卧不安譫語狂妄

朱砂 一兩 白茯苓 人參 甘草 各半 山藥 一兩 片

腦 牙硝 各一錢半 麝香 五分 金箔 十二貼 草紫河車 二錢 半黑

豆煎
煮

右為末煉蜜為丸每用五錢作五十九以金箔為衣
每服一丸薄荷湯化下含化亦得

天南星散 治慢驚驅風豁痰

南星

重八九錢者一箇掘地坑深尺許先用炭五
觔燒通紅以好米醋一碗灑坑中即投南星

以火炭密蓋又用
盆覆時許取出

右為末入琥珀全蝎各一錢每服二字煎生薑防風
湯下

烏沈湯 治慢驚驅風助胃

天麻

錢二人參

真川烏

生用全蝎

焙

南星

焙

木香

沈香

錢各一

甘草

炒半錢

右為末每服三五分薑水煎服

沈香散 助胃氣止吐瀉

茯苓

錢二

沈香

丁香

木香

藿香

厚朴

製甘

草

炙各一錢

右為末每服一字米飲湯調下

蘇青丸

蘇合香丸一分青州白丸子二分

右和勻每服五分薑湯調下

銀白散 治胃虛吐瀉

糯米

炒二兩
五錢

扁豆

蒸二兩

藿香

二錢

白朮

炒一兩

丁香

二錢

甘草

炙三錢

右為末紫蘇米飲調下直指方加炮白附子全蝎木

香石蓮薑水煎

釣藤散 治吐痢脾胃氣虛生風

釣藤鈎

二錢

蟬殼

天麻

防風

蝎尾

去毒

人參

各半

兩 麻黃

殭蠶

炒

甘草

炙

川芎

各二錢

五分

麝香

五分

右為末水煎服虛寒加附子一錢

黑附子湯 治慢脾風四肢厥冷

附子

炒去皮
三錢

木香

人參

各一錢半

白附子

一錢

甘草

炙五

分

右為散每服三錢薑五片水煎若手足既溫即止後

服

生附四君子湯 治吐瀉不思乳食凡虛冷病先與數

服以正胃氣

人參 白朮 附子 木香 茯苓 橘紅 甘

草 各等分

右為末每服五七分薑棗水煎服

辰砂膏 治慢脾冷痰壅滯手足冷而微搐者

黑附子

一枚重一兩以上者去皮臍頂上挖一孔
辰砂末一錢仍用附子塞之炭火燒存

性
牛膽南星

半白附子

炮

五靈脂

蝎梢

各二錢半

右為末煉蜜丸桐子大每服二三錢生薑汁泡湯下

七寶辰砂丹

治風痰奇效慢驚慢脾以辰砂為主木

香佐之用開元錢一箇背後上下有兩月片者放鐵

匙上炭火內燒少頃成珠子取入盞中作一服用木

香煎湯送下人參湯亦可

觀音金蝎散

治小兒外感風寒內傷脾胃致吐瀉不

止遂成慢驚等證

全蝎二十箇 天麻泡 防風去蘆 羌活各半錢 川白芷 甘

草炙 扁豆薑製 黃耆蜜炙各三錢 砂仁 赤茯苓各五錢

右同為末每服一錢用冬瓜仁煎湯不拘時調服

青州醒脾散 治小兒慢驚神昏目慢多困有痰

人參 白朮 木香 白茯苓 白附子 天麻

全蝎炒 僵蠶去絲嘴炒
各等分

右剉碎每服二錢水一盞生薑三片棗一枚煎至五

分不拘時服

雜方

世治慢驚神效用一粒丁香一箇蝎一字辰砂一點血
已上俱為末男用男左手中指血女用女右手中指
血蘸末擦唇上愈

木醒脾丸 治小兒慢脾風因吐痢後虛困昏睡欲生
風癇

厚朴 白朮 硫黃 入豆腐中
煮三五沸 天麻 全蝎 防

風 官桂 人參 各一錢

右為細末酒浸蒸餅和丸如雞頭大每一丸搥碎溫
米飲下

蝎梢丸 治小兒胎虛氣弱吐痢生風昏困嗜卧或潮
搐

全蝎 微炒 白附子 煨裂各半兩 硫黃 半夏 薑汁製焙乾各一兩

右為末薑汁糊丸如麻子大每服三十九丸荊芥湯下
量兒大小加減服之

世治小兒慢驚風身冷瘕瘕方

天麻 防風 川烏 全蝎 去翅足薄荷葉包炒 南星

右咬咀等分水煎服

湯氏治慢驚方

真川烏 一枚去皮生用 全蝎 等分

右二件咬咀分二服水二盞薑十片煎半盞旋旋滴

入口中

無陰癇即慢驚風

黑附子 生用去皮臍 南星 生 半夏 各二錢 白附子 一錢半

右研細井水浸七日每日換水浸訖控乾入硃砂二錢麝香一錢研勻每服一錢薄荷湯調下量兒加減一方用黑附子生去皮臍為末每服二錢以水一盞半生薑二片煎至半盞分二服量兒加減吐者入丁香五箇同煎空心服或水浸炊餅為丸如粟米每服二十九生薑湯下亦可

錢回生散 治小兒吐瀉或誤服冷藥脾虛生風成慢驚大南星重八九錢已上者用地坑子一箇深三寸

許用炭火五斤燒紅入好酒半盞在內然後入南星
却用炭火三兩條蓋在地坑上候南星微裂取出剉
碎再炒勻熟不可稍生放冷為末每服半錢濃煎生
薑防風湯調服

又方梓朴散

厚朴

半夏

湯洗數次薑汁浸
半日曬乾一錢

右米泔三升同浸一百刻水盡為度如百刻水未盡
少加火熬乾去厚朴只將半夏為末每服五分或一

字薄荷湯調下無時

豆卷散 治小兒慢驚多因藥性太溫及熱藥治之有驚未退而別生熱證者有因病愈而致熱證者有反為急驚者甚多當問病幾日因何得之曾以何藥療之可用解毒藥無不效宜此方

大豆黃卷

水浸黑豆生芽是也曬乾

管仲

板藍根

甘草

炙各

一兩

右為末每服半錢水煎服甚者三錢藥水內入油數

點煎又治吐蟲服不拘時 右諸家雜治慢驚其首
一方用人血蘸藥末擦唇者甚效後一方解藥太過
之毒尤見錢氏憂人之切也

黃耆益黃散 治胃中風熱

黃耆

錢二

人參

甘草

半生半炙

陳皮

不去白各一錢

白芍藥

七分

黃連

許少

白茯苓

四分

右為粗末每服水二盞煎五沸去渣溫服

丹治驚而有熱者

人參 茯苓 白芍藥

酒炒 白朮

右入生薑煎服暑月加黃連生甘草竹葉煎服

陳明遠治小兒驚因脾虛肝乘之手足搐動四肢惡寒而食少方

白朮

二錢 茯苓一錢

右煎湯入竹瀝熱下龍薈丸二十九保和丸二十九

生氣散

丁香

三字

白朮

青皮

各二錢

甘草

炙

木香

人參

各一

錢

右為末每服半錢沸湯點服或用和劑方調氣散亦

可

參苓白朮散

見不能食

理中湯

見吐瀉

王氏惺惺散

治小兒吐瀉脾弱內虛生驚

人參 茯苓 木香 天麻 扁豆 全蝎

全陳灸

米

炒各等分

右劉散每服二錢薑棗煎服

醒脾散 治吐瀉脾困不食痰作驚風

人參 白茯苓 白附子炮 天麻焙 甘草炙 石菖

蒲一寸九節者 木香 石蓮肉 白朮各一錢 全蝎焙半錢

右為末每三字薑棗煎服有熱去木香或加南星半
夏陳皮陳米

大醒脾散 治吐瀉脾困不能食痰作驚風

南星 白茯苓 淨陳皮各一分 全蝎焙 甘草炙 白

附子炮 蓮肉 人參 木香各半分 陳倉米二百粒

右為末每服三字薑棗煎驅風醒脾二方通用亦可
釀乳小兒胃虛不消乳食尤須節約

演山觀音金蝎散 因吐後傳慢驚候清神固氣補虛

益脉開胃止吐

黃耆 人參

各一分

木香

炙甘草

蓮肉

炒

扁豆

炒 白茯苓

白芷

全蝎

防風

羌活

各一分

天

麻二錢

為末每一錢棗半箇煎無時服慢脾尤宜服

湯氏醒脾散 吐瀉不止痰作驚風脾困不食

白朮 人參 甘草 淨陳皮 白茯苓 全蝎

各半 半夏麴 木香 各一 白附 四箇 南星 一箇 陳

倉米 二百粒 演山加天麻 殭蠶無陳皮 半夏陳米

右為末每服一錢水半盞薑二片棗半箇煎時時服

頻則吐

直指星香全蝎散 治慢驚風已傳昏迷痰搐

南星 濕紙煨 木香 人參 淨陳皮 各一 全蝎 二錢

筒甘草

炙半錢

剉細每服一錢入紫蘇薑棗濃煎旋以匙送下有熱

加防風

烏蝎四君子湯 四君湯加生川烏焙過全蝎為末各

少許每服半錢薑棗煎服如再服即去川烏

調氣散 治小兒慢驚之後以此調之

木香 香附子 人參 陳皮 藿香 甘草

各等

分

右劉散每服二錢薑三片棗一枚水一盞溫服

定志丸

見前
急驚

右方皆以參耆白朮甘草為主乃治慢驚之正藥也

黑附湯

即前黑附子
湯無人參

金液丹

舶上硫黃

十兩研細用磁合盛令八分水
和赤石脂封縫鹽泥固濟曬乾地上埋一小甌

子盛水滿安合子在上又以鹽泥固濟
以炭火煨三日三夜候冷取出為末

右以柳木槌乳鉢研極細每服二錢生薑湯下

生附四君子湯

右以四君子湯加生附子四分之一厥逆者對加每服一錢薑三片煎一匙送下

異功散

人參 茯苓 白朮 甘草 橘紅 木香

右劉散每服三字薑棗煎一方無木香

天麻飲 六柱散

二方並見前

大醒脾散

治慢脾風內虛昏悶不省

人參 茯苓 木香 炮 全蝎 焙 南星 炮 白朮 陳

皮 石蓮肉 甘草 炙 木香 砂仁 白附子 各炮

等分 陳米 一撮炒

右剉碎每服二錢用水一盞生薑三片棗一枚煎至五分不拘時服量兒大小加減與服

實脾散 治脾胃虛冷吐瀉不止乳食不進慢脾等證

人參 白茯苓 白朮 砂仁 麥芽 神麴

陳皮 石蓮肉 乾山藥 良薑 炮 青皮 冬瓜

仁各五錢丁香 木香 薏苡仁炒 扁豆炒 薑香附子

炒甘草 炙陳米炒各二錢 肉豆蔻二枚

右為細末每服半錢或一錢用米湯不拘時調服

固真湯

方見前

右皆慢脾風之主藥也

通治急慢驚急驚合涼瀉慢驚合溫補此定法也其間有急驚涼瀉而不愈變為慢驚有慢驚溫補而不愈變為急驚者宜用通治急慢驚藥

湯奪命散 大能控風涎不問急慢驚風痰潮壅盛塞於咽喉其響如潮名曰潮涎百藥不能過咽命在須臾但先用此藥入喉痰即墜下功有萬全奪天地之造化也

青礞石

一兩入甘窩子同煅硝一兩炭火煨通紅須硝盡為度候冷如金色取用

右為細末急驚風痰壅上身熱如火用生薄荷自然汁入蜜調微溫服之良久其藥自裏痰墜下從大便出如稠涕膠粘乃藥之功也次服退熱祛風截驚等

藥慢風亦以痰涎潮上塞住咽喉藥食俱不能入醫者技窮勢迫以待其盡但用此藥以青州白丸再研為末煎如稀糊熟蜜調下其涎即墜入腹次服花蛇川烏全蝎蜈蚣等藥

大黑龍丸

治小兒急慢驚風神效

方見急驚條

鎮驚丸

琥珀

辰砂

真珠母

青皮

甘草

各二錢半

青黛

蘆薈

柴胡

青礞石

硝煨各半兩

天竺黃

膽星

各二
兩 天麻 乳香 各一
兩 雄黃 一錢
半

右為末甘草膏丸如雞頭大慢驚參朮湯下急驚薄

荷薑蜜湯下

曾氏鎮驚丸

方見
急驚

小兒急慢驚風

全蝎

四十九箇
微炒黃

辰砂

半兩研極
細和勻

右取蚯蚓十條洗淨入小瓶內以溫火煨蚯蚓化為

水和丸如胡椒大每服三丸用順流水化下

小兒急慢驚風

僵蠶

三條

辰砂

豆大一粒

全蝎

一箇

真珠末

一撮

右末取蓬蒿中小蟲兒每一箇研作一九如麻子大

每一粒用乳汁下

保命丹

本事

治小兒急慢驚風四肢逆冷眼直口噤涎不

止

虎睛

一對安瓦上以瓦蓋之慢火逼乾

硃砂

半兩

全蝎

麝香

各半錢

天麻

一分蜈蚣二條去頭尾赤脚者

右為細末煉蜜丸如大豆大瓦罐貯之又入腦麝蜜
定急驚薄荷蜜湯化下慢驚薄荷湯化下各三九

溫驚丸

一名粉紅丸

南星

為末入臘月牛膽中陰乾百日為末四兩

硃砂

二錢半

天竺黃

一兩一椀

子臙脂

半錢

龍腦

五分另研

右用牛膽汁和丸如雞頭大每服一九小者半九沙
糖水下

抱龍丸

治傷風瘟疫身熱昏睡氣粗風熱痰實壅嗽

驚風潮搐及蠱毒中暑沐浴後並可服壯實小兒宜

時與服之

丹溪云抱龍丸
心肝藥也

南星

如無牛膽者祇將生
者剉炒熟用四兩

天竺黃

一兩雄黃水
飛辰砂

另研各
半兩麝香

另研
一錢

右為細末煮甘草膏和丸皂莢子大溫水化下百日

小兒每丸分作三四服五歲兒一二九大人三五九

亦治室女白帶伏暑用鹽少許嚼一二九新汲水送

下臘月雪水煮甘草和藥尤佳一法用漿水或新水

浸南星三日候透煮軟三五沸取出乘軟切去皮祇取白軟者薄切焙乾炒黃色取末八兩以甘草二兩半拍破用水二碗浸一宿慢火煮至半碗去渣漸漸傾入南星末內慢研令甘草水盡方入餘藥

琥珀抱龍丸

曾氏

抱龍之義抱者保也龍者肝也肝應東

方青龍木木生火所謂生我者父母也肝為母心為子母安則子安心藏神肝藏魂神既定驚從何生故曰抱龍丸理小兒諸驚四時感冒風寒瘟疫邪熱致

煩燥不寧痰嗽氣急及瘡疹欲出發搐並宜可投其藥性溫平不僭不燥常服祛風化痰鎮心解熱和脾

胃益精神

真琥珀

天竺黃

檀香

細剉

人參

去蘆

白茯苓

去皮各一

兩粉草

三兩去節

枳殼

水浸去穰麩炒微黃

枳實

水浸去穰麩炒微黃各一兩

硃砂

五兩先以磁石引去鐵屑次用水乳鉢內細杵取浮者飛過淨器內澄清去上餘水如此

法一般精製見硃砂盡曬乾用

山藥

去黑皮一斤剉作塊慢火炒令熟透候冷用

南星

一兩剉碎用臘月雄黃牛膽釀經一夏

金箔

百片去護紙取見成藥一兩同在乳鉢內極細

杵仍和勻

藥末用

右前十二味除硃砂金箔不入碾內餘十味檀香不
過火外九味或曬或焙同研為末和勻硃砂金箔每

一兩重

取新汲井水一兩
重入乳鉢內略杵

勻隨手丸如雞頭子大陰

乾晴霽略曬日色燥甚則拆裂宜頓放當風處取其
自乾治法並用葱湯無時化服或薄荷湯痰壅嗽甚
淡薑湯下痘瘡見形有驚溫淨湯下心悸不安燈草
湯下暑天悶熱麥門冬熟水下百日內嬰兒每丸作

三次投二歲已上者止一九或二九其品劑修合之時但缺一味不依製度必無效矣常用瓦瓶入麝香同收毋使散泄氣味入珍珠末一两合和名金珠散蓋珍珠能鎮心寧肝墜痰尤效治法湯使同前

又琥珀抱龍丸 專治小兒急慢驚風發熱咳嗽作搐痰喘驚悸生薑薄荷湯下 時行痘疹發熱嘔吐驚

跳白湯下 傷風發熱咳嗽鼻塞驚哭蔥湯下 因

著驚發熱睡卧不寧燈心湯下 夏月發熱嘔吐麥

門冬湯下 因母發熱過乳溫熱不寧甘草湯下

脾胃不和頭熱黃瘦懶食砂仁湯下 週歲小兒服

一九未及者半九連進一二九無不效驗忌食魚腥

生冷食乳者乳母同忌

琥珀

二錢半色在精猪肉內
煨過取出研末二錢

牛膽南星

一兩六錢
臘月用牛

膽作成
者妙

僵蠶

二錢
炒

雄黃

辰砂

人參

白茯苓

各三錢

天竺黃

五錢

鈎藤

全用鈎子
一兩五錢

真正牛黃

五錢
分真麝

香一錢

右各味不可短少分釐碾為極細末用粉甘草八兩
剉碎以水四大碗熬膏二盞入藥末為丸每一丸五
分重金箔為衣外用黃蠟包之一料作二百丸

又琥珀抱龍丸 治病法如前

琥珀

一兩五錢研

牛黃

一錢研

人參

檀香

白茯苓

各一

兩半硃砂

研

珍珠

各五錢研

枳殼

枳實

牛膽南星

天竺黃

各一兩

山藥

十兩

甘草

三兩以上各為細末

金箔

四百片

蜂

蜜

二片黃臘

二十斤

此藥一料五百丸每丸五分重專治嬰孩小兒諸驚
四時感冒瘟疫邪熱煩燥不寧痰嗽氣急瘡疹欲出
發搐並皆治之其藥性溫平不寒不燥驅風化痰鎮
心解熱安魂定驚和脾健胃添益精神慈白煎湯或
薄荷湯下 痰壅咳甚生薑湯下 痘疹見形有驚
白湯下 心悸不安燈心湯下並不拘時服 初生
數月者每丸作四次服或三分之一或半丸數歲者
每服一丸更量兒大小加減酌用可也

世奪命散 治急慢驚風諸藥無效此藥隨手奏功

白附子

三錢

黑附子

炮去皮臍半兩
急驚不用

南星

炮一兩

天麻

三辰砂

另研二錢半

防風

半夏

各半兩

全蝎

去毒七枚

蜈蚣

炙一錢

麝香

半錢

僵蠶

煨

右為末三歲兒半錢薄荷生薑自然汁加好酒滾湯各少許調服急驚加輕粉腦子各少許

太乙保生丹

見慢驚

湯治慢驚甚驗

赤脚蜈蚣

酒炙一條

白僵蠶

炒七條

辰砂

另研一錢

全蝎

用薄荷葉

包炙七枚

青州白丸子

三十丸

右為末入麝香少許慢驚人參麥門冬湯調下急驚加腦子牛黃各少許金銀薄荷湯調下

羅天麻散 治小兒急慢驚風及大人中風涎盛半身不遂言語艱澁不省人事

半夏

錢七天麻

二錢半

甘草

炙

茯苓

白朮

各三錢

右用水一盞入磁罐內煮藥令水乾將老薑三錢同

煮候乾為細末每服一錢五分薑棗湯調下

雄黃散 主暴中急慢驚風胸膈痰涎滿口及雨侵閉

汗不通或涼或熱坐卧生煩

雄黃

紅亮者
二錢半

白藥

去黑
皮

川烏頭

泡裂去
皮臍

草烏頭

泡
裂

去
皮天麻

去殼
者

川芎

五味各
半兩

右除雄黃外五味剉焙同雄黃為末驚風痰湧每服

半錢或一錢用薑汁茶酒調下發汗薑蔥薄荷水煎

并投三服取效

經治驚風墜涎天南星一箇重一兩者換酒浸七伏時
取出新瓦上炭火炙乾烈地上去火毒搗末入硃砂
二錢半研為細末每服五分荊芥湯空心及午時各
調下一服

田天麻防風丸 治小兒驚風身熱喘粗多睡驚悸搐
掣神昏痰涎不利等證

天麻 防風 人參 各一兩 蝎尾 去毒半兩 甘草 硃砂

雄黃 牛黃 麝香 各一錢 僵蠶 炒半兩

右為末煉蜜丸如櫻桃大硃砂為衣每服薄荷湯下

一二九

雲七味羌活膏 治急慢驚風壯熱

羌活 獨活 天麻 全蝎

去毒

人參

僵蠶

炒各半兩

烏蛇肉

酒浸一宿焙乾一兩

右為末煉蜜和丸如皂子大每兩作五十丸每服一

九荊芥湯下

經治小兒驚風全蝎一錢不去頭尾用薄荷葉裹炙乾

同研為末作四服白湯下

衍治小兒驚風殭蠱蝎梢等分天雄尖附子尖共一錢
炮過為末每調一字薑湯調下

羅小兒驚風釀乳方用白羊頭一箇丁香同熬至熟乳
母空心盡食之

丹孫女因胎中受濕熱日午發搐唇黑面青每日作一
次未半週難與藥且釀乳飲之

白朮 陳皮 半夏 芍藥 青皮

各五分

人參

川芎

木通

各三錢

黃連

二錢

甘草

炙一錢

右分八服薑五片與乳母煎服

小兒急慢驚風發熱口瘡手足伏熱痰熱痰喘嗽並
用涌法重劑以瓜蒂散輕劑苦參赤小豆末酒酸蘆
汁調服之後用通神散蜜丸服之間以桑牛陰乾研末
調服以平其氣

本編銀丸 治小兒急慢驚風積痼

青黛

三錢 水銀

一皂角子大同
黑鉛錫炒砂子

寒食麪

黃明膠

炒焦

為末各 輕粉炒豆 雄黃 粉霜 硃砂各一 巴豆

一錢 許
二十一 腦麝少
粒去油

右研細滴水為丸如麻子大捏匾曝乾磁盒盛之一
歲一丸隨意加減煎棗子湯送下不得化破

博治急慢驚風乳香甘遂各半兩同研細每服半錢用
乳香湯調下或用童便調下尤妙

劫風膏 治急慢驚搐臍風撮口牙關緊閉痰涎壅盛
咽喉腫痛

歲靈仙

去蘆一兩半細
剉焙研為末

右用皂莢三兩去皮弦槌損揶溫水一盃絹濾過慢
火熬若稀糊入醇醋半兩再熬三五沸去火候冷用
前藥末亭分乳鉢內杵勻丸芡實大先用鹽梅肉擦
牙根次以此膏一九或二九溫白湯濃調抹入左右
牙關內即開續進別藥熬時得瓦器為上銀器尤佳
及解風痰壅盛淡薑湯調化無時少與含嚥咽喉腫
痛溫茶清調下或薄荷湯 以上諸方通治急慢驚

風蓋謂虛實兩見急慢互出故有通治之法合而言之急慢雖異皆本之於痰故礞石星半之屬通能治之者也分而言之礞石之屬瀉痰青黛之屬瀉木硃砂之屬瀉火皆為氣實之劑參草之屬補土天麻全蝎之屬補木烏附之屬補火又皆治氣虛之劑故補瀉兼施虛實通治之法也

霹靂散 解急慢驚風不省人事

豬牙皂角

三錢

細辛

川芎

白芷

三味各二錢

躑躅花

一錢
半

右剉晒為末每以少許用大燈心三寸長蘸點鼻內
得噴嚏為驗前藥不可焙焙則不應

目睛瞶動薛目者肝之竅也肝膽屬風木二經無為相
火肝藏血血不足則風火内生故目睛為之瞶動經曰
曲直動搖風之象也宜用四物益其血柴胡山梔清其
肝陰血內榮則虛風自息矣若因肝經血燥而自病者
用六味丸以滋其源因肺金剋肝木者用瀉白散以平

金邪若眼眦動者肝木乘脾土也用抱龍丸若愈後驚悸不寐或寐中發搐咬牙目睛動者血虛不能榮筋脉也用補中益氣湯或歸脾湯加茯苓五味蓋有餘者邪氣實也不足者真氣虛也凡病氣有餘當認為不足此證無屬肝脾多為慢驚之漸

唇口蠕動薛唇為脾之華口乃脾之竅又陽明之迴環唇口而交人中陽明胃也是以脾胃虛者多有熱證不獨病後而已夫脾主涎脾虛則不能收攝多無流涎或

誤認為痰而用祛逐之藥則津液益枯不能滋養筋脉
遂致四肢抽搐病勢愈甚原其治法與慢脾風相同當
用大補脾胃之藥加升麻柴胡切勿用青皮龍膽草之
類無察其色黃者脾弱也青者肝勝也青黃不澤木來
尅土也青赤相兼木火風熱也黑為寒水反來侮土白
為氣虛亡陽凡此宜用六君子湯加小柴胡湯若四肢
微搐或潮熱往來或泄瀉嘔吐而色痿黃皆脾胃有傷
也宜用白朮黃芪川芎當歸人參陳皮肉豆蔻神麴乾

葛白芍藥黃連炙甘草白茯苓以補胃氣若脾胃虛弱者用五味異功散虛寒加木香炮薑若脾氣下陷者用補中益氣湯以升其陽作渴者用七味白朮散以生津液若肝木侮脾者用補中益氣湯加茯苓半夏芍藥以制肝補脾

目直視薛小兒忽然驚搐目直者皆肝之風熱也若肝虛生風則目連劄而不搐及多欠咬牙若肝經風實則目直大叫呵欠項急頓悶若肝經有熱則目直視不搐

得心熱則搐氣熱則外生氣溫則内生其證手尋衣頰
及亂捻物宜用瀉青丸吐熱飲水喘悶宜用瀉白散凡
病之新久皆能引肝風風內動則上生於目故目為之
連劄若熱入於目牽其筋脉兩眦俱紫不能轉視故目
直也亦有飲食停滯中焦致清陽不升濁陰不降肝木
生發之氣不得升致生虛風者須詳審之若胸滿腹痛
嘔吐惡食輕則消導化痰重則探吐滯積更須審其所
傷寒物熱物亦有因感冒吐瀉致使土敗木侮而生虛

風者不可遽服驚藥宜用六君子加芍藥木香柴胡制
肝補脾若因脾土虛而自病者用五味異功散凡飲食
停滯痰涎壅滿而見驚證者實因脾土虛弱不能生金
金虛不能平木故木邪妄動也宜健脾消食其證自愈
若輒用驚搐之藥反成其風而益其病也况臟腑脆嫩
不可投以峻厲之劑治者審之

睡中驚動薛小兒睡中驚動由心腎不足所致蓋心主
血與神肝藏血與魂肺主氣與魄腎主精與恐小兒臟

腑脆弱易為驚恐恐則氣下驚則心無所依神無所歸
且夫人之神氣寤則行於目寐則棲於腎今心腎既虛
則不能寧攝精神故睡中驚動也治宜清心安神用茯
苓補心 加酸棗仁茯神五味子亦有驚嚇而作者因
擊動其肝故魂不安也治宜鎮驚定魂用安神鎮驚丸
若飲食間因驚而停滯者用六君子加神麴厚朴食既
消而驚未定用茯苓補心湯若木火太過而心神不寧
者用導赤散風熱相搏者用柴胡梔子散食鬱生痰驚

動不安者用四君以健脾神麴半夏以化痰山梔芍藥以清熱

目動咬牙薛小兒驚後目微動咬牙者皆病後亡津液不能榮其筋脉也亦有肝經虛熱而生風者當審其氣血有餘不足而治之其日中發熱飲冷而動者氣有餘也用瀉青丸夜間盜汗及睡不寧而動者血不足也用地黃丸或因肝經風邪傳於脾腎者亦令咬牙先用柴胡清肝散次用五味異功散六味地黃丸若因脾胃虛

熱用補中益氣湯加芍藥山梔實熱用瀉黃散蓋牙牀屬手足陽明故也若肝腎熱用五味地黃丸

泄瀉薛小兒驚瀉者肝主驚肝木也盛則必傳尅於脾脾土既衰則乳食不化水道不通故泄瀉色青或兼發搐者蓋青乃肝之色搐乃肝之證也亦有因乳母脾虛受驚及怒動肝火而致者經曰怒則氣逆甚則嘔血及飧泄法當平肝補肺慎勿用峻攻之藥脾氣益虛肝邪彌甚甚至抽搐反張者亦肝火熾盛中州虧損之變證

也凡見驚證即宜用四君六君異功散等方加白附子
定風柴胡平肝引經以杜漸則必不至瀉搐而自安矣
今已見瀉吐驚搐尚不知補脾平肝以保命抱龍鎮驚
等藥治之其亦去生遠矣

腹痛蟬蛻釣藤飲 治肚痛驚啼

釣藤鈎 天麻 茯苓 川芎 白芍藥 各三錢 甘

草 蟬蛻 各一兩

右入燈心水煎服

煩渴間氏云驚風或泄瀉等證煩渴者皆津液內耗也
不問陰陽宜煎錢氏白朮散使滿意取足飲之彌多彌
好

清心丸 治驚熱煩燥

人參 茯神 防風 硃砂 柴胡

各三錢

金箔

十三

片

右為末煉蜜丸如桐子大每服一二丸竹瀝調下

神芎丸 治風熱壅滯頭目昏眩口舌生瘡牙齒腐蝕

或偏身瘡疥咬牙驚惕怔忡煩躁作渴或大便澀滯
或積熱腹滿驚風潮搐等證

大黃

生

黃芩

各二兩

生牽牛末

一錢

滑石

四兩

黃連

薄

荷葉

川芎

各半兩

右為末水糊丸桐子大每服三四丸溫熱水下

潮熱似瘧曾又有急驚天釣之後變作潮熱手足逆冷
有似瘧疾蓋因病瘡之時不善將護外感風邪乘虛而
入於經絡再未解散以致如此經曰重陽必陰又曰亢

則害承乃制此其義也宜服柴胡加桂湯及當歸散氣實者則以烏犀丸水晶丹略與通利勻氣散止補後以參苓白朮散調理自然平瘡此證所用藥品間使苦寒之味務在消陽盛之火肺金得勝肝木自平而風邪亦散斯為良法

柴胡加桂湯

見傷寒

當歸散

見痢

烏犀丸

水晶丹

見並

癖積

勻氣散

見腹痛

參苓白朮散

見泄瀉

雜證類驚海藏云心神不安四君子加辰砂半分棗湯

調下 又有一證欲發瘡疹先身熱驚跳或發搐搦此
非驚風當用發散藥 曾暑風一證因夏月感冒風熱
太甚致面垢唇紅脈沈細數忽發驚搐不省人事治用
消暑清心飲辰砂五苓散及琥珀抱龍丸自安切勿以
溫劑調補

消暑清心飲 解伏熱中暑煩躁作渴神氣不清及有
驚搐名暑風證投之即效

香薷

去老梗

澤瀉

去粗皮各一兩

扁豆

炒熟去殼研

淨黃連

羌

活 豬苓

去粗皮薑皮厚朴

汁浸透炒

白朮

乾葛

赤茯苓

苓

去皮

升麻

川芎

各半兩

甘草

三錢

右剉每服二錢水一盞煎七分無時帶涼服治暑風證先投此劑得效次服却暑丹其搐不發矣

薛氏於急慢驚癇之外又出驚風一證其候虛惕怔忡氣怯神散痰涎來去泄瀉色青蓋驚之輕而虛者也若驚入心則面赤夜啼用梔子清肝散加黃連入肝則面青眼竄用柴胡清肝散入脾則面黃嘔吐虛汗嗜卧用

六君加柴胡山梔入肺則面白喘急用異功散加柴胡
桔梗入腎則面黑嚙奶咬牙用六味地黄丸若因乳母
恚怒肝火或膏粱積熱遺兒為患或兒吐瀉傷脾清氣
不升風木陷入太陰傳變等因皆能致此當隨主治否
則必成慢脾也須預慎防為善

鍼灸小兒急驚灸前頂二穴三壯取法在百會前一寸
若不愈灸兩眉心及鼻下人中一穴炷如小麥大若小
兒慢驚灸尺澤穴各三壯在肘中橫紋約上動脈中炷

如小麥大 若睡中驚掣灸足大指次指之端去爪甲
如韭葉許各一壯 若角弓反張身強灸鼻上入髮際
三分三壯次灸大椎下節間三壯 若睡中驚不合眼
目灸屈肘後橫紋中三分各一壯

診錢咬牙甚者發驚 目直面青身反折者生驚 呵
欠面青者驚風 呵欠面黃者脾虛驚 目赤兼青者
發搐

驚癇發搐男發搐目左視無聲右視有聲女發搐目右

視無聲左視有聲相勝故也更有發時證

潔古先生云男為木故左

視木位無聲右視金位相擊則有聲女為金故右視金位無聲左視木位亦相擊有聲

李杲丞

子三歲發搐自卯至巳目右視大叫哭錢見曰此逆也

男為陽木發左視無聲則順右視有聲則逆所以然者

左肝木也右肺金也逆則二臟相戰金木相擊而有聲

也治宜瀉強補弱假令女發搐目左視是肺來乘肝肝

不能任故呌哭也當瀉其肺後治其心續治其肝若病

在秋

日西時同

肺無旺位當大瀉其肺若病在春

早晨時同

此肝

旺之時尚不能勝肺是肺強而肝火弱也當補其肝腎

大瀉其肺若男發搐目右視是肝來勝肺而叫哭當瀉

其肝心若病在春夏

早晨日中時同

肝心旺時當大瀉其肝若

病在秋冬

日晡時同

此肺旺之時尚不能勝肝是肝強而肺

極虛也當補其肺大瀉其肝所以言目反視者乃肝主

目也凡搐則是風熱相搏於內風屬肝故外見於目也

今此病男反女證故稍易治於女也先瀉其肺以瀉肺

湯主之二日不悶亂知病退也後用地黃丸補腎三服

後用瀉青丸各二服以瀉心肝五日而愈 又肺虛不瀉者何也曰假令男目右視木尅金肝旺勝肺而但瀉肝若更病在春夏金氣極虛故當補其肺慎勿瀉也

湯凡搐男左女右為順易治男右女左為逆難治 脈

訣啓蒙曰小兒脈促急為虛驚 直指云浮數洪緊為

急驚 沈遲散緩為慢驚 虎口脈紋青紫為驚風

紅者風熱輕 赤者脈熱盛 紫者驚熱 青者驚積


青紫相半驚積風熱俱有主急驚風 青而淡紫伸

縮來去主慢驚風 紫絲青絲或黑絲隱隱相雜似出
而不出主慢脾風 形勢灣入裏者順 出外者逆
不治證搐而不休休而再搐 驚叫發搐 瀉出足冷
痰滿胸喉 口開目直

急驚眼睛翻轉口中出血兩足擺跳肚腹搐動或神緩
而摸體尋衣或證篤而神昏氣促噴藥不下通關不嚏
心中熱痛忽大叫者不治慢驚四肢厥冷吐瀉咳嗽面
黯神慘鵝聲胃痛兩脇動氣口生白瘡髮直搖頭眼青

不轉涎喘噤頭軟大小二便不禁手足一邊牽引者
皆為不治 慢脾身冷粘汗直卧如尸喘嗽頭軟背直
口噤搖頭痰如牽鋸之聲面無潤澤之色縮唇氣粗者
不治

禁忌治小兒急驚方搐不用驚擾此不足畏慢驚雖靜
乃危病也急驚方搐時但扶持之不可擒捉蓋風氣方
盛恐流入筋脈或至手足成拘攣也



證治準繩卷七十四